


呼蘭府志

紹興朱慶瀾書籤

2014.30.17
141
1-5



呼蘭
府志

民國四年十一月
張朝
署
端

序

往余督東三省顧念強鄰偪處藩圉空虛慨焉欲有所興作

振窳弱之積勢而龍江一區密邇俄邊尤爲遼遠荒落嘗默察其大勢外交兵政扼要在呼倫貝爾及沿邊卡倫而民治則當集重於州縣曩所編東三省政略一書於其綱領鵠志言之詳矣呼蘭河流爲僑民興墾所集鐵軌既通人煙益萃自同治間始設理事同知爾後升爲府分立巴彥蘭西木蘭各縣於是民治規模稍稍具矣余以爲門戶不修非所以安堂奧也是以一經營興東瓊瑋呼倫諸道次第設置將欲緣飾窮荒藉固吾圉而治民之責則一委諸所擇任之賢才爰以崇仁黃君維翰爲

呼蘭府志

序

黑龍江軍用被服廠印

呼蘭守黃君蒞任躬親繁劇其治嚴而不煩鉅細畢舉治事之暇撰集府志一編綱具目張於內政外交兵賦諸大端頗能述其厓略其從政之才亦可見矣夫有土有人而統治之以官官也者所以保障一方者也自官不任職於是土地不關民事不理百爲隳廢散壞而姦猾從而生心有力者至或挈之以去此雖腹地不能保其無變也況介在強鄰之微塞乎民國肇興廢府設道官制又稍變而東北備禦之形不唯無異且視前尤亟焉留心邊事者觀余與黃君之所述倘有恢廓其規而爲國防之至計者乎蓋不獨一州一域之所利賴也已民國二年四月

天津徐世昌



崇仁黃侯申甫守呼蘭二年盡守之所宜盡迺盡凡守所不及盡者去而纂著呼蘭府志十二卷其爲目曰地理曰政治曰財賦曰交通曰外交曰祠祀曰學務曰武事曰人物曰禮俗曰物產曰藝文慶瀾讀之曰志之不修永矣周官大司徒之屬其在土訓則掌道地圖以詔地事道地慝以辨地物而原其生以詔地求其在誦訓則掌道方志以詔觀事道方慝以知辟忌以知地俗志之義例揭櫫於是矣守土者勸於簿書期會之勤或無意於是其有意者又意爲弘贍誇世以銜俗至於牽率比附蓋非其方之事與俗往往枝舉而疣繫之心之所之謂之志夫非其所志而強其心以必之於乎自周以來郡國之志如林朝邑

呼蘭府志

序

二 黑龍江軍用被服廠印

武功積簡不能滿寸而獨箸於世者豈無故哉黑龍江之隸中國始自有清康熙以前荒漠如太古自康熙以至於今日殆與人中分而主人岌岌不能勝客文與獻一無足徵申甫守蕞爾一郡之域而獨有意於是將意爲弘贍誇世以銜俗耶落落數日僉士方訾訾其約及覽其外交之略不驚而中自悸然則申甫心之所之其非一人一心之所之而爲此方之人之心所欲之而不得其嚮者耶列路航伐木之約於先詔其觀已往得失之事也終以交涉條件臚序於后示之慝而詔此方人知所辟忌也他之志用稽古焉耳斯志則斬所以禦夫方來保此主人岌岌不勝之半故論斯志之體吾不敢謂視朝邑武功爲何若

世有短其約而不喻乎申甫之用者吾則敢必瞽而自喪其相
跛而自投所杖若存若亡之呼蘭穀其不數稔乎慶瀾不知其
陋比者亦合羣士而有黑龍江通志之志名之廣狹若異申甫
之志既本乎此方人之心之所之吾宜法之先爲之叙如此民
國四年六月紹興朱慶瀾叙

呼蘭府志

序

三

黑龍江軍用被服廠印

呼蘭府志目錄

序

例言

圖

地理略第一

政治略第二

財賦略第三

交通略第四

外交略第五

祠祀略第六

呼蘭府志

目錄

學略第七

武事略第八

人物略第九

禮俗略第十

物產略第十一

藝文略第十二

一

黑龍江軍用被服廠印

蘭呼府志卷一

地理略

一疆域

二山嶽

三河川

四城池鄉屯

五氣候

六古蹟

呼蘭府志

卷一

地理略

一

黑龍江軍用被服廠印

例言

黑龍江五城呼蘭實居其一而建設較後乾隆朝官書如大清一統志滿洲源流考諸書紀呼蘭事特略間或以吉林寧古塔之地當之確知其誤者略爲辨正餘付缺如以志矜慎

呼蘭旗署舊檔全屬清文倩伊車布連福二君繙譯經年所得者以歷年職官戶口節孝名數爲多夫自康熙乾隆以來廟堂所規畫疆吏所設施旗檔度無不備維翰不解清文未能自行探討故不無滄海遺珠之憾

黑龍江省舊無省府縣志黑龍江外紀卜魁紀略黑龍江述略諸書文簡而事覈然皆略而不詳此書得之父老傳說者十之

呼蘭府志

例言

三四得之實地調查十之四五得之於舊記者十之二三

郡縣志古事今事應並重此書詳略不倫而偏重於人民財賦教育兵事實業外交貢其一得之愚俾爲經世之助

山川主名俱從今稱舊記名稱亦備錄之俾得與遼金元明四史互相印證山嶺高度水源里數則皆約略估計也

實地調查府屬爲高紳玉堂諸君巴彥爲陳牧元慎張紳鎮南孟紳昭漢諸君蘭西則查令貴廉閻令毓善木蘭則馬令六舟陳牧報告書積四巨冊故呼蘭自理地面外以巴彥爲最詳蘭西次之木蘭又次之

此書編輯始於光緒三十四年迄宣統二年脫稿一官轉徙重

以水火疾疫兵戈之事全稿強半散失壬子以後里居無事復搜叢稿補成之視原稿約損十之三四

周禮職方氏爲治輿地學專官維翰讀而好之釋褐後觀政兵部實司職方故治此學尤力歲戊申隨東海師出關獲守茲土私欲網羅放失勒爲一書以補故府圖籍之所未備而文獻無徵學殖又苦荒落書成編爲十二卷叙述凌雜鄙漏不文大雅君子幸匡正之

呼蘭府志

例言

二

黑龍江軍用被服廠印

呼蘭府志

地理略

崇仁黃維翰申甫編

職方氏曰呼蘭處松花江北岸距中國絕遠元明以上義等
羈縻其建置靡得詳焉我

朝定鼎驅羅刹於大興安嶺外凡嶺陽之流以薩哈連烏喇爲
歸墟者胥隸版圖體國經野設官分職初置軍區後改郡縣
井疆犂然規模具備以視唐建都督僅存黑水之空名金晝
混同徒襲夫餘之往號復乎尙矣呼蘭雖一隅之地其民庶
其土沃其財賦厚其交通便利實黑龍江一大都會也謹作
地理略首疆域次山嶽次河川次城池村屯次氣候以古蹟

呼蘭府志

卷一

地理略

黑龍江軍用被服廠印

殿焉

一疆域

呼蘭府無附郭縣屬州一巴彥屬縣二蘭西木蘭

呼蘭府全境南濱松花江

江以南分屬吉林之方正賓
州阿城濱江雙城五州縣

北抵濠河

河以北屬
綏化府餘

慶東極二道河

河以東屬
大通縣

東北負大青山皆天然界限西界安達

肇州廳

爲蒙古杜爾伯特
旗郭爾羅斯後旗

西北界青岡縣起東經九度三十四分訖

十一度三十分起北緯四十五度五十八分訖四十六度五十

四分面積四萬二千方里

呼蘭以河得名詳河川門一作胡蘭見城守尉印又作
湖蘭見協領印最後定爲呼蘭見副都統印及同知印

府之自理地南北高南下

北爲高原
南爲平原

東抵綽羅河北大荒溝均與

巴彥接西北界蘭西縣西界郭爾羅斯後旗南濱松花江其山

鎮曰溫德赫恩

即團山子

其川松花呼蘭

呼蘭河自西北來斜貫府境九十餘里東南入松花江

其浸濠

其地形斜長東南隅西北隅俱紐其西南有東清鐵道

東境起背江子西境

訖陳善屯約長百里

治呼蘭河北岸

西南至北京二千六百里西北至黑龍江省城六百里

經綫在京師偏東十

度六分世界綫東經一百二十六度四十分緯四十六度四分

丁取忠氏皇朝輿地經緯表作東經十度六分北緯四十六度二十七分舊檔作東經九度三十分北緯四十五度五十八分五十四秒日人小越平隆滿洲旅行記作東經一百二十六度五十分北緯四十六度十分較之哈爾濱經綫偏西十分緯綫偏北二十一分按呼蘭哈爾濱陸程實數四十五里七分南北正相值丁氏緯綫過於偏北日人所記亦參差不合今經綫用丁氏說緯綫以哈爾濱相距里數定之

府境起東經九度三十七分訖十度三十八分起北

緯四十五度四十九分訖四十六度三十四分東西距一百九十里至五十里南北距一百二十里至八十里東北隅至西南隅二百二十里其腰七十里弱面積一萬一千方里

呼蘭府志

卷一

地理略

二

黑龍江軍用被服廠印

巴彥州在府東東南抵黃泥河

舊名佛武庫河

與木蘭接西抵綽羅河與

本管府接北負濠河與綏化餘慶接東北負朝陽滿天星山與

餘慶木蘭接南濱松花江其山鎮曰黑其川松花其浸少陵濠

少陵河自東北來容納衆流橫州境西南入松花江

其地形北境舒張南境橢圓如笠式燈治巴

彥蘇蘇

盛京通志作巴延窩集巴彥巴延皆伯顏之轉音譯言富窩集又作窩稽皆沃沮之轉音窩集蘇蘇俱林木茂盛之義乾隆六年大學士查郎阿查勘得呼蘭之東佛武

喜蘇蘇地方有地徑二百里列爲次等可以開墾巴彥之黃泥河原名佛武庫河佛武喜蘇蘇當即巴彥蘇蘇西南至京師二千七百四十里西北至黑龍江省城七百四十里

經綫

在京師偏東十度四十八分世界綫東經一百二十七度二十

二分北緯四十六度八分

舊檔作東經十度三十二分四十四秒北緯四十六度五十分二十五秒滿洲旅行記作東經一百二十七度三

十分北緯四十六度二十五分較之呼蘭經綫偏東四十分緯綫偏北十五分按巴彥呼蘭相距陸程一百四十里經綫約差四十三分州治緯度高於呼蘭中外各圖不足十五里約差四分今

據此數定之

州境起東經十度十五分訖十一度七分起北緯四十六

度訖四十六分其東西距北一百六十里強南六十里弱南北距一百五十里面積一萬二千方里

蘭西縣在府西北西界肇州廳北界安達廳西南界蒙古郭爾羅斯後旗東抵京旗與綏化接東南抵濠河沿南逾大鹹溝俱與本管府接其山鎮曰馬鞍其川呼蘭

呼蘭河自東來折而南流二百里東流入呼蘭府境

其地

形北端中凹而左右橫出南端微稍類古酒爵然治雙廟子

舊有

關帝娘娘二廟故名旋更名雙興堡西南至京師二千七百里西北至黑龍江省城四百八十里

經綫在京師偏東九度五十

二分世界綫東經一百二十六度二十四分北緯四十六度二

十七分

滿洲旅行記作東經一百二十六度五分北緯四十六度二十五分比之呼蘭經綫偏西四十五分緯綫偏北十五分按蘭西在呼蘭西北陸程九十里其東西直綫相

差約四十餘里今以算法定之經綫偏西十四分緯綫偏北二十三分

縣境起東經九度三十四分訖十度十

呼蘭府志

卷一

地理略

三

黑龍江軍用被服廠印

分起北緯四十六度十四分訖四十六度五十四分東西距一

百一十里至七十里南北距一百二十五里至九十五里面積

一萬方里

木蘭縣在巴彥州東東界二道河東北負大青山

青山以東未設郡縣

北界

餘慶西界巴彥南濱松花江其山鎮曰青蒙古爾泥勒邵馬

俗稱

駱駝

其川松花其浸木蘭達其地形西北腴作斷角平方式治索

羅潭口

治城在羣山之外南濱松花江岸西南至京師二千八百六十里西北至黑龍江省城八百六十里索羅潭口一作索倫江口

經綫在京師

偏東十一度二十一分世界綫東經一百二十七度五十五分

北緯四十六度一分

木蘭經緯度他書無可印証東三省新圖及俄人東三省鐵路圖其位置均在四十六度視呼蘭巴彥稍低其西至巴彥陸程

一百二十三里以算法定之較之巴彥經綫應偏東二十三分緯綫應偏南七分

縣境起東經十度五十六分訖十

一度三十分起北緯四十五度五十八分訖四十六度二十五
分其南北距東百七十里西七十里弱東西距南百一十里強
北七十里弱面積一萬八百方里

木蘭縣以境有大小木蘭達河得名木蘭達舊作木蘭答木蘭蒙古語江也答清語

源也一說木蘭達爲索倫語阿穆塔哈之譯音謂打牲也

歷代沿革考

呼蘭古息慎地

山海經大荒之中有山名曰不咸有肅慎之國鄭氏康成說息慎卽肅慎周書王會解有禮慎宋劉忠恕稱金之姓爲朱里眞清初舊稱所屬曰珠申皆肅慎之轉音郭璞山海經註肅慎國云遼東三千餘里按不咸山卽長白山肅慎指寧古塔黑龍江諸境而言竹書紀年帝舜二十五年息慎來朝貢弓矢是爲東荒絕域國見於中國歷史之始

漢爲挹婁國西境

呼蘭府志 卷一 地理略

四 黑龍江軍用被服廠印

漢書挹婁卽古肅慎在夫餘東北千餘里東濱大海南與北沃沮接不知其北所極滿洲源流考今興京寧古塔黑龍江諸境皆挹婁地

魏爲勿吉國黑水部

北史勿吉國一曰靺鞨分七種最南者爲白山部最北者爲黑水部按史載勿吉遣使乙力支朝貢溯難河西上其歸途既至今洮兒河而猶東北行十八日然後至其國都難河爲今吉黑分界之松花江則其國都當在松花江南北岸黑水部在諸部之北今呼蘭以東地當屬之

隋爲黑水靺鞨

唐爲黑水部北柵靺鞨黑水軍

靺鞨七種至唐僅存渤海黑水二部渤海在松花江南卽今吉林省境江北爲黑水部舊唐書靺鞨黑水分爲十六部部又以南北爲柵在那河北者爲北柵那河南者爲南柵唐會要宋樂史太平寰宇記均云黑水靺鞨界南至渤海國德里府南北二千里東西千里按德里非府名乃鎮名見新唐志在今寧古塔城西九十里那河爲今吉黑分界之松花江以南至寧古塔爲當時南柵以北之地若今呼蘭以東皆當時北柵地新唐書所紀黑水部則指今混同江南北岸言之似不足據唐開元十六年置黑水軍是爲內屬中國之始

五代時附屬契丹號生女真

金史五代時契丹盡取渤海地黑水靺鞨附屬於契丹其在南者籍契丹號熟女真其在北者不在契丹籍號生女真大金國志金國本名珠里真後訛爲女真其屬分六部有黑水契丹目爲混同江居江之南者謂之熟女真居江之北者爲生女真金史之混同江卽今松花江呼蘭在江北應爲生女真部

金屬上京會寧府

呼蘭河金史作胡刺溫水又作活刺溫河南距上京會寧府百里而近金史昂傳授上京路額勒敏活刺溫河世襲明安又世紀以上京率胡刺溫之地廣而腴遷率賓一明安呼爾哈二明安二十四穆昆以實之又舍音傳舍音爲會寧牧海陵獵於活刺溫水舍音編立圍場凡平日不相能者輒杖之綜上諸說故知當時屬上京並屬會寧府率水卽納河今屬大通縣金於烏耶古河設謀克一員烏耶古河卽布雅密河今屬木蘭縣

元屬合蘭府水達達等路爲東北諸王封地

元史地理志合蘭府水達達等路元初設軍民萬戶府五分領混同江南北之地其居民皆水達達之人按混同江卽今吉黑分界之松花江初名鴨子河遼改爲混同江元因之達達卽韃靼稱曰水達達者以其居近混同江南北岸故也呼蘭處松花江北岸當時隸於合蘭府各路自無疑義又按元初封建諸王太祖諸弟並在東方其

呼蘭府志

卷一 地理略

五

黑龍江軍用被服廠印

分地近幹難河客魯漣河而被於遼西其與呼蘭密邇可以考証者則府西杜爾伯特旗郭爾羅斯後旗皆遼王分地見張穆蒙古游牧記其西南之新城府雙城廳卽元泰甯路肇州境爲乃顏分地見元史地理志及魏默深氏元史註魏註又云自臨潢以東北泰甯路及松花江嫩江會而東流南北兩岸皆別里古台封地太祖分封東諸侯乃顏得其九乃顏實襲別里古台舊封云云呼蘭當時或屬遼王或屬乃顏史無明文然爲諸王分封地亦無疑義

明屬奴兒干都司爲朵顏虎爾文卜顏木蘭河諸衛

奴兒干之名始見於元史英宗本紀及地理志明洪武永樂間邊外歸附故設奴兒干都司以統屬之轄境至廣所屬有朵顏衛洪武時置虎爾文衛永樂三年置卜顏衛四年置木蘭河衛五年置卜顏爲巴彥之對音木蘭河卽今木蘭苔河三年所置之虎爾文疑卽金史之胡刺溫明統志之忽刺溫而今之呼蘭河也光緒二十年間呼蘭掘得朵顏衛在千戶所百戶之印疑亦分隸朵顏衛

清初屬索倫部旋隸黑龍江將軍設呼蘭河八卡倫

天聰九年索倫入貢乃命副都統霸奇蘭率兵逾黑龍江收撫其未撫壯丁嗣以俄人侵擾索倫屢勞師旅康熙二十二年設黑龍江將軍而於呼蘭河設卡倫八處由齊齊哈爾墨爾根黑龍江三城撥兵防戍呼蘭之名稱見於官書始此

雍正十二年置呼蘭城

是年將軍那蘇圖奏置呼蘭城其轄境東至松黑兩江交會處西界蒙藩杜爾伯特旗郭爾羅斯後旗南濱松花江與吉林接北窮呼蘭通肯屯河各源至內興安嶺與黑龍江城布特城接西北至恒升堡與齊齊哈爾接南北袤五百里東西廣一千四百餘里同治七年檔作東至都勒阿一千八十里接黑龍江城界

乾隆二十七年劃呼蘭城迤東江北地假於吉林設五驛

是年吉林將軍奏以三姓西至阿勒楚喀地勢遼遠驛遞不便請在胡蘭屬巴彥蘇蘇以東安設廟嘴珊鄂勒郭木索崇古爾庫富拉渾佛斯和亨五站光緒三十三年設湯原縣於湯旺河設大通縣於崇古爾站皆隸屬吉林次年始改歸黑龍江省而直隸於巡撫佛斯和亨站今屬木蘭縣

同治元年分呼蘭城東北境設呼蘭廳治巴彥蘇蘇

是年將軍特普欽奏分設呼蘭廳廳所屬有巴彥蘇蘇十二段地其稻梁菽麥黍稷六界地仍屬呼蘭城城守尉呼蘭廳屬境包有今綏化府餘慶縣木蘭縣南起松花江岸北至十五道崗博克托山阿特噶爾山東北抵伊吉密河西北逾努敏河呼蘭河南北袤四百餘里東西廣二百三十里至一百六十里

光緒十一年分呼蘭廳北境設綏化廳治北團林子

是年將軍文緒奏分呼蘭廳地設綏化理事通判廳治北團林子兩廳以濠河爲界河以北津河克木克河努敏河尼爾吉河額依渾河五段納租實地二十萬一千九百八十一响屬綏化河以南巴彥蘇蘇甘沐林子拉三太阿力罕大荒溝大小木蘭峇七段納租實地十九萬四千四百八十六响仍隸呼蘭廳

呼蘭府志

卷一 地理略

六

黑龍江軍用被服廠印

光緒三十一年升呼蘭廳爲府移治呼蘭城而設巴彥州於舊呼蘭廳又巴彥分境設木蘭縣分府西北境設蘭西縣遂爲今制

職方氏曰府南襟松花北枕濠河東有青黑諸山爲之鎖鑰而呼蘭少陵木蘭達諸流迴旋腹地固形勢便利國也松花江湯湯巨浸爲歷代用兵者之所必爭如漢挹婁之

犯北沃沮

見漢書

唐渤海之攻黑水

黑水靺鞨在松花江北請吏於唐而不告於渤海故攻之事具新舊唐書

金世祖兄弟之平臘醅麻產

見金史臘醅麻產傳

明內官亦失哈之撫

奴兒干苦夷

永樂八年遣內官亦失哈等率官軍二千人巨舡四十五艘至其國撫諭之殺奴兒干都司詳奴兒干永甯寺碑文

清聖祖之攻雅克薩城皆前事之彰彰著明者元與日本構怨數造船於水達達等路則欲沿松花出混同趨韃靼海峽以拊日本之背所謂九天九地之兵也府之江岸線袤延三百八十里

府境二百里巴彥六十里木蘭一百二十里

舊時防守地在府曰暴

馬曰雙口面曰馬家船口曰呼蘭河口曰奎溝

在府屬公家溝對岸

巴彥曰滴達嘴子

卽綽羅河口

在木蘭曰索羅潭口濠河盛漲時

寬六七里洄則溝瀆耳然表堅裏陷深及尋丈人馬旋濘無所施其勇其隘口二曰姜興橋曰轆轤壩橋青黑諸山則峯高林密鳥道蠶叢非行旅所從出也惟自光緒二十

呼蘭府志

卷一 地理略

七

黑龍江軍用被服廠印

七年以後東清鐵路斜來肘腋間哈爾濱商場逼處江南類於扼吭松花航權幾盡入外人掌握洞門重開天險坐失而其局勢爲之一變雖然地理之運用隨時勢以爲變遷方今萬國棣通與閉關時代絕異若農若商若工莫不鬪智競力逐鹿於世界呼蘭夙稱東荒穀倉實則鴛鴦多荒商脆而工窳尤不足與他族角是則日夕經營所恃以固圉實邊者固不在山川險要防守攻取之膚說也

二山嶽

職方氏曰府境諸山以內興安嶺爲初祖

內興安嶺卽有倫山爲愛琿城轄境

青

山黑山則其支祖也內興安嶺綿亘綏化海倫春源北境

嶺以北之水俱北流入黑龍江以南則俱南流入松花江
實黑龍江省東方天然界也內興安嶺之支脈西南行崛
起於鐵山包之東北者爲二郎山其南迤邐數百里分爲
二支磅礴東出者曰青山騰蹕而西者曰黑山青山自餘
慶縣東南入木蘭境蜿蜒於東興鎮之東北聳爲朝陽山
滿天星山其東南出者爲馬鞍山玉皇閣山雞冠山其西
南出者岡巒起伏曲折百餘里已而拔起千尋爲駱駝碛
子石山從隆士人皆稱子土音羅加切其西爲陽祿嶺東爲蒙古爾硯臺諸山黑
山亦由餘慶縣南入木蘭境旋折而西入巴彥州主峯特
起氣象尊嚴左右諸山如玉頂猴石萬疊芙蓉屏蔽北境

呼蘭府志

卷一

地理略

八

黑龍江軍用被服廠印

其北負濠河南欄少陵河之一支通稱黑山

實小

黑山西

出者爲尖山爲錢裕子嶺爲雙牙山爲青頂山爲馮家岡
岡以西散爲平原至州西南起爲少陵山馬爾山又踰濠
河入府境起爲黃塔山尖山迤西皆高原沿大荒溝至呼
蘭河岸起爲溫德赫恩山括而言之府之自理境北爲高
原迤南爲平原蘭西廣衍平岡左右翼之岡脈自拜泉青
岡來左支趨呼蘭河右岸至對青山止右支經安達甜草
岡東南趨至五台站止蘭西處于其中無高山巴彥北負
黑山若冠冕然餘山則旒也木蘭之山從一衡二西面則
斜趨與倚柱相似而縣治處於二衡山之外衆流交錯皆